

15

ORNITHO- THEOLOGIE

PARS POSTERIOR

QUAM,

*Ex Consensu Ampliss. Facult. Phil. In Reg. Academ.
Aboënsi,*

PRÆSIDE,
CELEBERRIMO VIRO,

DN. PETRO KALM,

Oeconom. PROFESS. Reg. & Ordin.

NEC NON

Reg. Acad. Scient. Svec. MEMBRO

PRO GRADU

Ad publicum examen defert

ANDREAS MALM,

AUSTRO-FENNO.

In Audit. Majori Die XVI. Martii, Anno MDCCLIV.

Horis ante meridiem solitis.

ABOÆ, Impressit Direct. & Typogr. Reg. Magn. Duc.
Finland. JACOB MERCKELL.

VIRO

Maxime Reverendo atque Amplissimo,

**DN. CAROLO FRID.
MENNANDER,**

S. S. Theolog. *DOCTORI & PROFESSORI* longe meritissimo,
Utriusque Consistorii *ADSESSORI* gravissimo, *PASTORI* in Ran-
dämäki Vigilantissimo, Reg. Societatis Scient. Svec. *MEM-
BRO* Maxime inclyto, h. t. *RECTORI* Academiz Aboënsis
Magnifico.

VI-

Maxime Reverendo

DN. MAG. JACOBO

*Scient. Nat. PROFESSORI Reg. & Ordin.
Ecclesiæ Fennicæ Aboënsis
Reg. Scient. Aca-*

PATRONIS & PROMOTORIBUS

Dum ad limina VESTRA submisse adrepit rudis hæc
lebratissima NOMINUM VESTRORUM fama splen-
dor, quo verborum genere virtutes & merita VESTRA
tanta dicendorum abundantia potissimum adferat vel o-
publicam litterariam labores VESTRI maximi, Conspici-
es, quæ litteras earumque cultores nunquam non ample-
cantata in omni scientiarum genere eruditio, cuius ne-
ca, & sub tantis studiorum MODERATORIBUS scientiis

VIRO
Maxime Reverendo ac Celeberrimo,
**DN. JOHANNI
TILLANDER,**

S. S. Theologiae *DOCTORI & PROFESSORI* Reg. & Ordin.
ANTISTITI Ecclesiae Lundoenium longe Meritissimo
Senatus Ecclesiastici & Academicci *ADSESSORI*
Gravissimo.

RO
atque Amplissimo;
GADOLIN ,
Utrius Consistorii *ADSESSORI* Adcuratissimo,
PASTORI longe meritissimo,
dem. Holm. Socio Maxime inclyto,
MAXIMIS, PROPENSISSIMIS.


& immatura opella, Auctoritate VESTRA muniri & cedo rem subi conciliare cupit. Anxius omnino haret auctoritatis tabulis dudum insculpta praedicet? quid immittat? Obveniunt enim in Ecclesiam, Patriam & Rem tur in VOBIS nativa eaque praestantissima Virtutis facili soletis. Adeo incomparabilis & nunquam satis declarar cum voluptate lausit bauritque juventus Academica pandit pectora. Huic accedunt beneficia VESTRA, su pra

pra omnem numerum mibi praesita, quæ utique cumulari mensura materiem mibi suppeditant, VESTRAM exrollendi gratiam, quam ut lingua mea basitans exsequi valeat. Hinc præstat ea sacro premere silentio, quam frustra incomta oratione asequi tentare.

Ignoscatis igitur, MÆCENATES quod e tenebris meis prorepere audeam, & ad gratiam VESTRAM aditum moliar, dum pagellas has, sola argumenti dignitate commendabiles, ad pedes VESTROS devolvere sustineo. Sussiciatis, humillime obtestor, hoc æterni obsequii, quod pietas extare jussit, documentum, ea benignitate, non quam meretur, sed quæ VOBIS propria est, quaque auctorem ejus humilem amplecti soletis. Odoratiora quidem thura, virtutibus debita & meritis paria VOBIS offerenda esse probe intelligo, sed tenutas mea & parcior ingenii vena majora non admittit. Si autem pro singulari VESTRO in me favore parum VOBIS cumulate gratias egero, id ipsum nemæ voluntati, sed magnitudini VESTRORUM beneficiorum tribuendum putetis, enixe rego & obtestor, qui, ut beneficiis his VESTRIS unicum adhuc addactis, solam nimirum perpetuitatem, quo conatus mei metam optatam eo felicius attingant, supplex oro. In votis pro VESTRA salute & felici diuturnitate, quam mixtis suspiriis Ecclesia, Patria, Litteræ harumque cultores ab immortali Deo expetunt, perpetuus ero.

Celeberrimorum NOMINUM VESTRORUM

humilissimus cultor,
ANDREAS MALM,



I. N. f.

§. I.

Exhibita paucis in priori parte dissertationis nostræ, admiranda avium in exstruendis nidis solertia: quam fœtui suo excludendo convenientissimum tempus eligunt, tanquam non modo præsentium, sed etiam futurarum rerum es-tent gnaræ: quam scite his suis puerperiis diverticula quærunt, ab insidiis hostium & elementorum injuriis maxime tuta: Quanta sagacitate, quove ingenio suos effingunt, coagmentant, muniunt & perficiunt nidulos, ut animalcula hæc bruta & rationis expertia non credas: Quomodo unius speciei aves, etiam diversissimarum regionum, simillima ratione sua construunt habitacula, singulis vero speciebus singularis est in nidis fabrica, ubique tamen modo convenientissimo & elegantissimo adornata. Expostulat jam instituti ratio, ut in viam, unde digres- si fuimus, redeamus; ibique vestigiis sapientiæ, potentiæ & bonitatis Divinæ infinitæ, expressis latis & patentibus, quantum in nobis est, inhæreamus, ea-

A

que

que pie veneremur. Ut autem justo procedamus ordine
in iis, quæ circa generationem animalculorum nostro-
rum restant, ova, quæ pariunt, & diligentia, qua
eadem excludunt, quave pullos enutriunt, primum
nostram qualemque subibunt considerationem.

Absoluta nidi fabrica, mox ova emitunt aves
femellæ, quasi puerperæ hæc per longum retro tem-
pus prælagirent, quo die, quave hora primum emis-
suræ essent uteri fœtum, cum eodem tempore con-
summetur architectura nidi; ita ut peracta perperæ
fabrica, eo mox cubare incipit puerpera, ova, ad
determinatum cuivis speciei a sapientissimo Conditore
numerum, gignens. Plura non pariunt, quam
quibus incubare & inde exclusos pullos enutrire pos-
sunt. Non tamen animalcula hæc ad numerum il-
lum definitum ita adligata esse credas, quin etiam
hunc transire in eorum positum sit arbitrio. Nam
observavit indefessus naturæ Scrutator *Lister* Hi-
rundines ovorum numerum ita inire potuisse, ut sub-
latis e nido quibusdam ovis, eundem mox sup-
pleverint. Ovis ab avibus femellis positis, succe-
dit incubationis tempus. Quam mira sedulitate &
patientia, per plurimos dies & septimanas, ciborum
expertes, ovis incubant, ut fame propemodum ene-
centur. Certe volucres tanta diligentia, ne dicam
furore, suis insistunt ovis, ut vix minimum tem-
poris, in expellenda fame, & conquirendo pastu im-
pendant, quin potius alimenti defectu, usque ad mor-
tis limina se torquent & cruciant. In hoc permo-
lesto incubationis negotio feminis aliquantum adsti-
pulan-

pulantur masculi, dum non raro, vel earum vices sustinent, vel illis, huic negotio consecratis, cibum adportant. Quis aviculis illam indidit sagacitatem, ut circa incubationem tanta diligentia & cautione procedant? tanquam probe exploratum haberent, negotium esse arduum, magnaue circumspetione dignum, cum etiam minimus detectus rem totam reddat irritam. Quare etiam nulla confracta vel pedibus conculcata, nulla infœcunda conspicuntur ova, sed unum quodque, quamvis etiam sint plurima, aviculam sinu suo continet. Mirari convenit, quod avium domesticarum, quarum curam suscepserunt homines, & quæ magna cum difficultate educantur, multa ova irrita compareant, multique fœtus intereant, qui que innumeris conflictentur morbis, sapientiam & curam hominum omnem non raro floccifacientibus; aves vero feræ, hisce adminiculis licet destitutæ, melius tamen progenerentur, neque tantis obnoxiæ infirmitatibus. Cum variæ aves nidos humi constructos habeant, illas ovis vel pullis incubantes, rapinæ bestiarum omnium maxime expositas facile crederes; sed etiam hic providam Numinis curam experimur: odorem enim avis feminæ tempore incubationis, vel pullorum novissime exclusorum canis venaticus aviarius, etiam optimus, vel aliud animal, si vel ipsi nido aut pullis inhaereret, fere nunquam sentire potest; quod ad genera hæc avium ab interitu servanda a sapientissimo Creatore factum esse luculenter appetet. Peracta exclusione, nondum consummata est avium suæ proliſ

A 2

cura,

cura; quin miram, in iis enutriendis & protegendis, adhibent industriam. Et quoniam fœtibus ubera admonere illis non datum sit, mira certe solertia, affiduoque labore, primum ante diluculum circumvolantes cibos convehunt, & totos dies in ejusmodi discursione consumunt, quos haud raro a longinquo adportantes pullis æqualiter distribuunt. Enutriunt certe & fovent hospites hi hanc suam familiam ita provide, ut nullus vel luxuria diffluat, vel fame vexetur. Admiratione certe dignum est, quod aves, quæ numerum pullorum inire vix possunt, tam solerter unicuique; licet etiam saepè plures fint, escam præbere faciant, ut eorum, qui vice proxime præterita aliquid acceperint, quique non, haud obliviscantur; qua in re tamen ipsos homines ratione gaudentes interdum peccare videmus; cum contra pullorum avium fors sua surripiatur nemini. Singularis in columbis etiam elucet solertia, quæ primum cibum deglutiunt & in ingluviem ingerunt, ubi succo, ibidem deprehensio, humectatur, emollitur & ad digestionem præparatur, quo facto, hunc egurgitant & in os pullorum exonerant. Sed nec in nudo alimenti quæstu, justa partitione & præparatione, (quamvis etiam hæc sint admiratione digna,) terminatur avium in pullos amoris documentum, sed adhuc multo longius progressitur. Quam mira enim folicitudine hos defendunt, fovent & protegunt? certe nocte anxie vigilant, attendendo & avertendo noxes & pericula. quæ si immineant, quod certe admirandum est, summis se exponunt periculis, & vel ipsam mortem adeunt

adeunt, si modo uteri sui fœtus eo reddant salvos tutosque. Quid? quod timidissimæ, quæ se ipsas plerumque nunquam defendere audent, ipsos saepe homines, & quoscunque, qui pullis vim inferre volunt, adgrediuntur, & depellere student. **Videmus**, qua sagacitate & qua arte anates variæque aliæ aves homines, canes, aliosque, proli earum insidiantes, eludere, decipere atque a pullis abducere satagunt; si ad nidum vel pullos quis cœperit accedere, procurrit ad pedes fœta, prægravem aut delumbem sese simulans, subitoque in procursu aut brevi aliquo volatu cadit tracta aut ala aut pedibus: procurrit iterum, jamjam prehensurum effugiens, spemque frustans, donec in diversum abducatur a nidis aut pullis. Si quando hos relinquere coguntur, quo fervore. quave festinatione hos iterum convocant, tovent & tuentur. Et hic parentum in suam prolem amor, non terminatur intra nidi ostiolum, sed etiam circa illos, jam nido egressos, continuatur, donec propria arte propriaque industria curam sui agere sibi necessaria comparere possint, dum ipsa moderante natura, sua invanum non dilapidante bona, cestat cura parentum, jam supervacanea. Nec deest pullis, etiam in ætate tenera, se ipsos conservandi sagacitas: quam scite enim matris sonum diversum internoscere possunt dum illos vel ad se vocat, vel ob imminens periculum diverticula adire jubet. Certe nullus ad parentis nutum se totum convertere detrectat, sed festinatione maxima ipsi morem gerere studet. Quis pullos anatinosque a gallina exclusos aquæ, quam antea

antea vix viderunt, innatate & se immergere edocuit? cur illam non, æque ac pulli gallinacei, eorumq; ma- ter, abhorreant. Agnoscendus in his omnibus Summi opificis rerum digitus, qui avium ejusmodi stimulis motarum, quibus etiam maximos in educando labo- res suscipiunt, ut non raro aliquid humanæ intelligen- tiæ habere videantur, generationem sapientissime sic promovere voluit.

§. II.

TActa leviter avium solertia & diligentia, in exclu- dendis, enutriendisque pullis conspicua, jam ipsa, quæ pariunt & excludunt, ova paucis delibabimus. Sic heic propagatio per ova. Hinc instruuntur avium se- mellæ ovario, innumeris fere ovorum granulis sti- pato, sensim varia incrementa a quantitate propemo- dum invisiili, ad consummatam magnitudinem capi- entibus. Hinc verisimillimum est, omnia ova, qvæ per totam vitam sunt positura, a prima statim gene- ratione avibus inesse; adeoque cum racemos ovorum penitus exhaustus est, parere desinunt, & fiunt effæ- tæ, ut de viperis etiam *Angelus Abbatius* observavit. Cur alias tantam vitellorum supellecilem natura præpara- verit, quæ eis ad plurimorum annorum partus suffici- at, si novos generandi facultatem illis concesserit. Præ- terea cum evictum sit, aves nonnullas fieri ætate effæ- tas, nec ullam amplius restare generationis spem; o- mnia, quæ parituræ sunt, ab initio iis inesse non sine ratione arbitamur. Vitelli, in ovario congesti, suos variant colores, primo candidi apparent, dein lu- teum colorem induunt. Cum ad justam perveniunt mo- lem,

lem, testis absolvuntur & albumine obducti, in secundum descendunt uterum, ubi putamine obtieguntur duro, tenui, friabili & porolo, quod partes ovi lartas etasque servat. Cum ova magnitudine infinite diffirent, emittit enim quæque species illa ad molem corporis sui, horum quoque tempus maturascendi est admodum varium. Hinc locum habere videtur illud *Plinii: quo majus est animal, tanto ditius formatur iuxta utero.* Ova gallinacea a coitu decimo dei maturescunt, (a) columbae quinto a coitu die pariunt (b). Ovorum alia sunt candida, ut columbis, alia punctis distincta ut meleagridi, alia rubri coloris ut cenchridi; intus tamen omne ovum volucrum bicolor, (albumen puta & vitellum). Aquaticis lutei plus quam alibi, idque ipsum magis luridum, quam cæteris observavit *Plinius* (c) Vitellus gemino circumdatur albumine, quorum huic proxime adjacens crassius & viscosius, alterum vero liquidius comparet. Albumini innatantia observantur bina puncta, Chalazæ dici solita, horum alterum in obtuso, alterum in acuto angulo, quæ *Harveus* detexit esse corpora oblongiuscula, magis concreta quam albumen, albiora, nodosa & luciditatis non expertia, ut grando, unde illis nomen. Alteram Chalazam majorem esse, & protendi versus obtusum ovi cacumen, alteram minorem, & a vitello remotiorem, versus partem ovi accutam porrigi vedit Laudatus *Harveus*, majorem ex duobus vel tribus grandinis granis globulisve conflatam invenit, quæ modico intervallo a se invicem distant. In omnibus avium ovis, tam foecundis, quam subventaneis, has deprehendi putat sagam.

magacissimus naturæ indagator Willugbei. Harum usus perhibetur esse, ut sint tanquam poli istius microcosmi, ut vitellus harum cardinum ope, tum in ovi centro formetur, tum in debita positione retineatur; Adeo ut præcipua totius ovi pars, cicatricula nempe, eandem ovi regionem ceu altitudinem semper occupet, & in media, ob utroque cacumine, distantia permaneat. In medio hujus cicatriculæ vitelli tunicae adnacentis, lenticisque magnitudinem referentis, sacculum detexit *Malpighius* cineraceum, subinde rotundam, vel aliam quamcunque figuram exhibentem. Hunc sacculum, fluido faciem vitri liquefacti referenti, innatare vidit laudatus *Malpighius*, quod, puta fluidum, tenacior & crassior quædam substantia, in modum cisternæ, circumdedit, quam primum fluida, hanc iterum viscosior, in formam circuli alicujus irregularis, circumvestivit materia, quam demum clarus insequitur humor. Huic sacculo primordia fœtus inclusa detectus dictus observator. Conspicere heic licet in prolificis ovis, etiam ante incubationem, primordia cerebri & medullæ oblongatæ. Macula hæc perpusilla, alba, plana & circularis in omnibus avium ovis repeatitur, etiam a prima eorum origine in vitellario est. Ex albuminæ formatur & primum alitur pullus, quo grandescente, etiam ex vitello, qui per ductum intestinalem tamquam infunbibulum cordi adfertur, & dein per venas dispergitur in ceteras corporis partes: Infinita Creatoris sapientia ita constitutum est, cum rostrum vel os aviculæ aut nullum plane sit, aut saltem ejus rudimentum huic officio plane impar inveniatur.

Agno;

Agnoscenda in hoc punto summi Conditoris manus, quæ una cum primordio fœtus, etiam nutrimentum, non unius, sed duplicis generis, ad vires & membra hoc utentium, sapientissime coaptatum, sub corticem inclusit, idque admirande admensuratum. Nullum enim patiuntur defectum, nec quidquam, præter quod ex vitello, in pulli abdomen recipitur, & excluso illo adhuc reciduum superest; quod destinatum sustentationi pullis recens editis, donec paulatim firmiori & duriori cibo adfvescant. Cum aves mammis & laetè carent, quibus viviparæ gaudent, vitelli humorē lactis vicariam esse voluit summus O. pifex, huncque ad fœtum tenerum nutriendum præparavit. Albumen vero hujus analogi vice, quod ex ipso utero imbibit fœtus viviparæ, conceditur. Fœtus grandior factus & aërem liberum desiderans, domum coecam & imperviam sua sponte disrumpere, & in lumen egredi satagit. Hinc ædis suæ munimenta, quamvis elegantissima artificiosissimaque, violenta vi, rostelli nimirum iictu, infringit destruitque. Huicque fini observari licet circa obtusum ovi cacumen, spatiū inter corticem & exteriorem membranam ab humoribus, ovo inclusis, vacuum, sine quo nec caput movere, nec corticem pungere posset avicula. Hæc omnia, hisque similia alia, omnino attonitam & pronam in animo nostro venerationem excitare debent. Nam sive ova ipsa, vel eorum incubationem, sive formationem fœtus, & liquores nutrimento inservientes, sive ductum intestinalem, alimentum adferentem, sive integumentum vel corticem in ovi tulelam exstru-

B

Etiam

Etiam, sive reliqua heic obvenientia mira consideraverimus, certe in unaquaque fœcundissima eluent vestigia manus Divinæ, quæ summa arte, providentia & sapientia etiam in minimis operatur.

(a) *Plinii Historia Mundi L. X, Cap. LIII.* (b) *L. cit. Cap. LVIII.* (c) *Vid. cit. Libr. Cap. LII.*

§. III.

Animalia hæc nostra *dimida* & *dimicca* proprius consideratur, ad eorum anatomiam progredimur, ubi videbimus, quam artificiosa subtilisque sit partum compositio, quamque admirabilis fabrica membrorum. Omnia enim ita nata, ita locata sunt, ut nihil eorum supervacaneum sit, nihil ad vitam ducentam non necessarium. Si partes avium motui dicatas respiciamus, viluri sumus, quomodo hic earum volatus, methodo maxime naturali, & secundum fixas naturæ leges peragatur. Absolutus hic motus, uti notissimum est, binis alis, in quarum machina certe tot obveniunt stupenda, ut hæc, etiam solæ, de sapienti operantique Divina manu nos convincant, saltrem convincere debeant. Sunt hæc tribus compositæ articulis, quibus, pro lubitu, jam expandi, jam comprimi possunt. Ofta concava sunt, & paululum medullæ includentia, hinc levia satis, tamen validissima, ne in motu alarum rapidissimo confringantur. Ne in elevatione alarum, dum iis remigat avis, nimia aëris resistentia incommodum pareret, conspicitur exterior alarum pars convexa & prominens, interior vero ex adverso concava, ut aërem non tantum congerant & comprimant, & sic ejus resisten-

sistentiam augeant; sed etiam plicatæ corpus obtentant & optimis loricis muniant. Hoc instrumento, hac machina, dum remigat avis, resistentiam elementi hujus levissimi sibi conciliat, gravitati corporis sui æqualem. Cum aves alarum suarum remigio aërem deorsum feriunt, aér æquali vi reagendo, eas sursum elevat. Hac alarum agitatione, non solum in elemento hoc satis fluido & raro sustinentur, sed etiam progressum, imprimis nonnullæ species, stupendæ ceteritatis sibi comparant. Quare pennis grandioribus, huic fini obtinendo sapientissime coaptatis, & retrorsum porrectis, alas instruxit Summus Genitor. Sunt harum, puta pennarum, plumulæ, introrsum porrectæ, longiores molioresve, ipsum apicem alæ respicientibus. Illæ sursum, hæ deorsum inclinant; quæ obliqua plumularum constitutio, agitatis alis, aërem retrorsum pellit, dum reactio aëris avem in progressum tendere cogit. Sunt pennæ hæ tanta arte sibi superimpositæ, ut etiam alæ, quamvis expansæ, aëri imperviæ sint. Eandem ob causam exiguae quoque pennulæ, ad utraque alæ latera, in modum squamarum pīcium, artificiosissime sibi invicem incumbentes, caulem crassiorum pennarum, ad medium fere plumulis denudatum, obtegunt. Pennæ, quæ ad apicem alæ situm acceperunt, sunt crassissimæ robustissimæque, ipsi vero corpori proprius adiacentes, sensim & ordine minores. Et hoc ob sufficientissimas rationes, cum in motu alarum vibratorio & oscillatorio, pennæ, ad apicem locatæ, maximos eodem temporæ describunt arcus, hinc maxi-

ma quoque celeritate aërem feriunt, quare hujus resistentiam quoque ceteris experiuntur longe majorem. Nec minor, in ipsa pennæ fabrica, elucet naturæ folertia. Constat caulis dura & cornea quadam materia, inferior autem ejus pars, a basi fere usque ad medium teres, nuda & concava est, aërem ambientem multo rariorem includens, quod ponderi ejus non parum derogat. Reliqua pars caulis mollem levemque continet materiam. Ne autem acuminata hæc paulatimque deficiens caulis pars, resistentia aëris refringatur, vi elastica illam donavit sapientia Creatoris. Utrique caulis lateri adhærent plumulæ, admirando certe artificio inter se contextæ. Constant hæc, uti microscopiis detectum est, ex pennulis exiguis, lamellulis semi circuli formam referentibus, inter se connexis. Quamvis hæc disrumpantur & segregentur, mox tamen, opitulante rostro, in pristinam formam & texturam rediguntur. Ad vibrationem hanc peragendam inserviunt musculi dorsales, iisque omnium in tota machina crassissimi & robustissimi, excedunt enim plus quam octodecim millies gravitatem totius corporis, uti contendit Hanov, (4). Certe insignis virium muscularum quantitas emergit, ad pastum & nisi materialia congerenda, nec non ad motum per aërem accelerandum sufficientissima, unde hic vis motiva adest magna atque stupenda. Alæ ad medium ita sunt locatæ, ut corpus avium iis insistens, exactissime æquilibrium servet. Nec unquam aves sub volatu titubantes vel ebrierum more vacillantes videbis. Hinc in avibus, collo longiori instructis, alæ parti anticæ

anticæ magis admotæ conspiciuntur. Sed avium volatus dirigendi instrumentum est *cauda*; ejus namque alternante ad utramque partem vibratione, non tantum corpus simul flecti, sed etiam cursum jam retinendum, jam quemcunque alium, prout corporis alarumque fert fabrica, servare, gradumque firmare possunt. Cernitur hoc præcipue in Milvis, de quibus Plinius (*b*): *videtur artem gubernandi docuisse caudæ flexibus, in cælo monstrante natura, quid opus esset in profundo.* Aves, quæ vel hoc instrumento carent, vel ejus rudimento instruuntur, volaturæ, pedes retrorsum extendunt, ad caudæ defectum, hac in parte, supplendum, cum aliæ pleræque aves, quibus cauda longa vel mediocris concessa est, pedibus ad corpus adductis, nonnullæ etiam pendentibus volant. Sed cauda non ad iter tantum dirigendum, sed etiam ad avem sustinendum, & in aëre librandum, conductit. Quare Colymbi, qui hoc instrumento privati sunt, ægre & velut erecti in aëre, capite sursum elevato, anno deorsum pendente volant. Admiranda ad hos usus comparet caudæ hujus structura. Est enim plicabilis, & lata, ut majorem resistantiam aëris pariat. Picis genuinis, qui lateribus arborum plerumq; insident, caudam rigidam & duriusculam, deorsum etiam inflexam, ut ei innitantur & se inter scandendum sustentent, sagacissima rerum natura concessit. Totam corporis machinam considerantibus, ad motum hunc peragendum eam minime ineptam, quin potius aptissimam esse apparebit. Habet enim integumentum non tantum lubricum, pennasque in posticam partem procurrentes,

tes, ut resistentiam elementi vel nullam, vel saltem minimam creet; sed etiam antica corporis pars acuminate est, paulatimque accrescens, ut aërem dividendo, motum illarum celerem in fluido hoc eo melius promoteat. Nec ipsis animalculis deest sagacitas sapienti hac corporis fabrica rite utendi; extendunt enim non tantum collum & rostrum in rectum; sed etiam aut pedibus ad pectus contractis & appressis, aut cruribus ad caudam porrectis volant. *Pedes* avium in diversis speciebus sunt diversi, ubique tamen indigentiae & locis, ubi illis natura assignavit sedes, accommodati. Ita avibus, quæ præda plerumque visitant, ungues robustissimi, adunci & acuti, ad aves alias & quadrupedia invadenda & dilanianda comparati, & femora valida musculosaque, ad prædam feriendam & deportandam concessa sunt. Quæ vero circa aquas versantur, & in aquosis plerumque viatum querunt, iis tamen non innatant, fissipedes sunt, digitos longissimos & aliquantum ad latera membranis auctos, ut in fluviis tanto firmius stare queant, possidentes. Hæ plerumque etiam longicuræ sunt, tibiisque supra genua ad quandam partem nudis donatae, ut aquas vadolas altius & commodius ingrediantur. Aquis innatantes palmipedes sunt, vel pedum digitos membrana junctos, & crura breviuscula maxima pars obtinent; quæ pedum structura, ad motum in aquis promovendum, est omnino aptissima. Sunt, quæ ejusmodi membrana carent, & quibus ungues magis vel minus unci acutiq; ut ramis arborum aptius insistant, vel humi ambulent saliantque, dati sunt.

Pecu-

Peculiarem etiam hic Picis proprie sic dictis pedum structuram rerum summus Conditor dedit: nam crura ipsis breviuscula, at admodum robusta: digiti in pedibus bini ante, totidem retro, ad arbores scandendum, iisque fortius adhaerendum, dum foramina terebrant. Est etiam situs pedum maxime memorabilis, nimirum ubi terminatur spina dorsi, a centro gravitatis corporis aliquantum remotus, erecta tamen corporis sui statione, quam, dum pedibus insistunt, servant, æquilibrium sibi conciliant.

(a) pag. 171. (b) Hist. mundi L. X. Cap. X.

§. IV.

Nec pauciora sapientiae Divinæ vestigia, circa partes avium sensuales obveniunt. Quam stupenda enim & infinita sapientia visionis negotium & oculi machina fabricata est. Certe qui hanc attento animo considerat & revolvit, *annunciat opus Dei, & opus ejus intelliget.* Psalm LXIV: 10. *nam videntem oculum facit Deus,* Prov. XX: 12. & nemo aliis. Quamvis omnes quoad maxime essentialia conveniant, ingentia tamen discrimina in diversis animalium classibus conspicere licet. De oculis avium imprimis observandum; quod binis, uti pleraque reliqua animalia, iisque ad laterat capitis collocatis, eas instruxerit natura, ut integrum fere circulum videre, pastum undique detegere, sibique ab insidiis hostium eo melius cavere possint. Insigni visus acumine pollutim primis aves rapaces, ad prædam nimirum elonginquo dispiciendam. Constant avium oculi, non tantum membranis, in oculis reliquorum animalium obvenien-

venientibus; quæque tam exteriōres, quam intra oculum inclusæ, admirabili plane sapientia fabricatæ, diligenti horum scrutatori se exhibent; sed in his observare quoque licet, ut etiam in nostris oculis, tres illos humores, aqueum nimirum, crystallinum & vitreum. Quorum ope, dum radii triām subeunt refractionem, justa fit in retina objecti adumbratio, quæ utique ad distinctam requiritur visionem. Nec musculis necessariis, vel horum officio fungentibus, aut glandulis oculum humectantibus, aves privare voluit natura faatrix. Detecta est ab anatomicis in oculis avium musculara quædam substantia, nervo optico adhærens, cuius spinæ ita humori vitreo annexæ sunt, ut facile non possint disrumpi, hinc motus hujus substantiæ, vitreo, reliquisque choroidea inclusis humoribus facile communicatur, indeque transfertur ad humorē crystallinum, quo hic vel proprius retinæ adfertur, vel magis inde removetur, prout magis vel minus visum suum acrem reddere vult avis. Mira certe est hujus fabrica, mirus magis usus. Novimus quod aves, in diversa altitudine volantes, diversam quoque experiuntur luminis refractionem. Est hæc densitati aëris semper proportionalis, quæ in diversa altitudine quoque est varia. Quare diverso apparatu, quo viūm suum, secundum diversas aëris qualitates, instituere & mutare queant, indigent, ut objecta, sive utilia, sive nocua eo melius observent & adeant vel evitent, aut alia visui inservientia, ad diversam distanciam videant. Observare licet in plerisque avibus, si non omnibus, præter

ter muscleum superiorem, vel palpebras, membranam nictantem, *Periophtalmium* dici solitam. Hæc e majori oculi cantho orta, dum elevatur, oculi globum fere totum obducit, qua pro lubitu, palpebris etiam apertis, oculos tegere possunt. Ob rationes sufficientissimas avibus hanc concessit magnus Crea tor: inter grama enim & ramos &c. sua, propter viatum capessendum, demergunt capita, dum, hujus membranae ope, viuis organum munitur & foveatur ne a stipularum incursu feriatur. Sunt hæc (licet longe plura in oculis avium observatu digna a nobis brevitatis causa praetermissa sint,) de sapientia divina luculentissima testimonia. Peti his similia possent e reliquis oculi partibus, si, ut diutius his immoraremur, pateretur instituti ratio. Progredimur jam ad avium *auditum* paucis considerandum. Locata sunt hujus sensus organa ad latera capitis, ut sonus undique exortus, alterutrum horum tremulo suo motu vellicet, sensationemque excitet. Quo ipso etiam cerebro, tanquam sensationum domicilio, propria sunt, ut sensatio eo reddatur clarior. Sunt etiam alia, in auribus avium, maxime attentione digna, & in iis hoc: quod nulla, uti reliquorum perfectiorum, ceu dici solent, animalium, ejusmodi prominenti cartilaginea praeditæ sunt auris substantia, cum aures ejusmodi protuberantes magno illis essent incommodo; motum enim illarum in elemento hoc non tantum impedivissent, verum etiam, per crebrum aëris impulsu, facile lædi potuerat auditus. Quare duobus tantum foraminibus

C

exiguis

MS. A. 1. 1. 10. 10.

exquis undique obductis pennulis instruuntur, quæ pennulae, muscularum ope, jam elevari, jam deprimi possunt, quo ipso auricula vel aperiri potest, ut sonus meatum auditorium intret, vel obtagi, ne aëris, vel soni nimis acuti injuria lœdatur. Breviter sic maxime memorabilibus de organo auditus avium allatis, postulat ordinis ratio ut quoque nonnulla de earum *Odoratus* sensu in medium proferamus. Circa quem imprimis tenendum, quod volucres, pariter ac homo, & quadrupedia, peculiari olfactus organo, geminis videlicet narium foraminibus instruantur. Quod procul dubio ideo factum est, ut rerum vieti inservientium salubritatem exactius explorare possent, & naturæ gratum admitterent, alienum vero amolirentur. Observare licet in plerisque bina hæc narium foramina hirsuta, vel plumulis exiguis tecta, ne nocivis quibuscumque, vel impulsu aëris, in volatu rapidissimo, lœdatur olfactus. Stupenda omnino vis est hujus organi in quibusdam avibus rapacibus, quæ cadavera etiam elonginquo, & per plura millaria sentiunt. Nec gaudi aves privavit benignissimus Creator, quo ciborum genera, quibus vescuntur, explorare queant, rei que gustatæ vel voluptatem excitare vel vitium accusare, antequam devorata injuriam ipsis inferre posset. Hujus sensus organo, in hac nostra animalium classe, ut etiam in reliquis, in lingua & palato sedem assignavit magnus Creator. Hinc conspicere licet, non tantum lingvam fungosam, & papillolam, ideoque ad impressionem corporis sapidi omnino idoneam

doneam, sed etiam nervos gustus a cerebro emis-
tos rostrum ingredientes. Quis vero in his ite-
rum non videat omnipotentem, providam & sapientem
Dei manum? Quis admirationis & gratitudinis affe-
ctum verbis dignis exprimere valeat? Aves illæ, quæ
in conquirendo & eligendo pastu visionis organo utun-
tur, paucis simplicioribusque gaudent nervis gu-
stus sensum excitantibus. Reliquis vero, quæ cibum
in limo & locis paludosis investigant, ubi illis visu
carendum est, plurimos robustioresque concessit na-
tura; cum omne ciborum utilium discernendorum
negotium sit gustui præcipue commissum (b). Sic in
anatino & anserino genere, assiduus naturæ indaga-
tor *Derbamus* (c), tria detexit nervorum paria, eaque
satis valida, ex quibus bina, suis cum rāmis, in api-
cem usque rostri emissâ vidit. Denique in *tacitus* len-
tu delibando non diu hæreamus. Hic enim æquabi-
liter diffulus est per totum corpus, atque per eadem
organa in his nostris, ac in reliquis animantibus, ex-
citatur.

(a) *vid. Derb. Phys. Theolog. L. VII. Cap. II. not. 4.* (b)
Libr. cit. not. s. (c) *vid. Loc. cit.*

§. V.

ADUMBRATIS sic rudi penicillo organis sensui avium
interventibus partes earum vitales jam con-
siderandæ sunt. Harum tantum quasdam deliba-
bimus, cum exquisitam harum omnium descri-
ptionem opulculi nostri limites non caperent, nec
huic operi mihi dies sufficeret. Sunt hæ in diversis
speciebus admodum diverlæ, ad cujuscunque tamen

C 2

functio-

functionis & nutritionis modum sapientissime accommodatæ. *Caput* in antica corporis parte situm, pro corporis proportione admodum exiguum, ut aërem in volatu promtius dividat, & corpori viam aperiens transitum reddat faciliorem. *Rostro* heic fedem assignavit magnus Conditor, ut ex parte dentium vices sustineret, cum his in universum omnes careant. Constat hoc dura & cornea quadam materia; varium etiam avibus præstat usum, cibum enim ejus ope non modo colligunt, eum saepè durissimam confringunt, & alio quovis modo assument, potumque hauriunt, sed & ad vim inferendum, & injuriam hostium repellendum inservit. Porro nidi materialia mirabili rostri industria non tantum feligunt & comportant, sed etiam ædificium hoc suum artificiose maniunt & coagmentant. Certe multa, quæ nos homines vix manuum ope perficeremus, rostello suo affequuntur aves. In diversis speciebus diversa quoque est rostri figura & proportio. Carnivoræ rostrum aduncum, vel in hamum incurvatum possident, quo carnem aptissime discerpere & dilaniare possint. Quæ nutrimentum in locis paludosis congerunt, longo & angusto gaudent. Aquis innatantes longo latoque instruuntur, quo cibum, in fundo maris, vel ad littora, sub cœno & arena abconditum, investigent. Illis denique, quæ graminibus vescuntur, breve fatisque durum datum est rostrum. Sic pro nutrimenti diversitate, diversa quoque rostra, ad hoc conquirendum commolendumque aptissima illis largitus est sapientissimus Conditor. Rostro inclusa hæret lingua,

gus, quæ pro ratione rostri, figura & magnitudine admodum variat. Conducit hæc non tantum ad volutandos & deglutiendos cibos, eorumque gustum excitandum quare, uti supra dictum est, fungosa & papillosa obducitur membrana; sed etiam modulationi & flexioni vocis inservit. *Collo* omnes avium species instruuntur, ubi denuo mirari licet elegan-
tissimam naturæ analogiam, quæ ut in quadrupedi-
bus, ita quoque in avium speciebus, tantum non o-
mnibus, colli longitudinem pedum mensuræ propor-
tionatam esse voluit. Idem quoque in pisibus obti-
net naturæ ordo; nam quoniam pedibus destituun-
tur, collo quoque privati sunt. Hæc tamen naturæ
regula circa aves aquis innatantes aliquam patitur
exceptionem: hæc licet crura breviora, quæque ad
natandum aptissima sunt, possideant, collo tamen
longiori donatae sunt. Quis iterum heic profundam
Creatoris sapientiam non animadvertis? Collum pe-
dibus longius his ideo dedit Opifex sapientissimus,
ut in fundo lacuum ac fluviorum facilius occultum
in limo cibum inquirerent. Cibus ore assumentus in
ingluviem descendit, quæ, puta ingluvies, quasi extra
corpus, ut plurimum in infima colli parte hæret.
Eius usus esse videtur, ad cibum humectandum, ma-
cerandum & ventriculo præparandum. Inde quæ-
dam pennatæ v. g. columbae cibum ita maceratum
suis regurgitant pullis, in modum quadrupedum, qui
fœtus suos lacte alunt. Cum iis avibus ventriculus
non adeo capax sit, quæ musculoſum possident,
nec tantam cibi continere possit copiam, quan-

ta

ea usibus corporis sufficiat, imprimis hibernis noctibus, & longiori inedia, quam pro variis accidentibus nonnunquam pati illis necessarium est, prolobum seu sacculum eis concessit faventior natura, in quem cibi copiam, cum suppetit, recondant, quam dein paulatim ventriculo subministrent. Constat hic *calculus* ex densa & glandulosa quadam membrana, quæque jam compressa jam ex pansa comparet, prouti magis vel minus cibum inclusum continet. Ad eicam huic ingestam humectandam solvendamque intervit succus heic observatus, qui in glandulis cuti inkærentibus præparatur & secernitur. Ex ingluvie cibus paulatim in *ventriculum* exoneratur, qui ad varium ciborum genus, quibus vescuntur, commolendum & digerendum sapientissime est accommodatus. Quæ pennatorum cibariis durioribus v. g. tritico, hordeo, pisis aliisque frumentorum & leguminum granis vescuntur, quæ integra deglutiunt, validos crassosque ad latera ventriculi possident musculos, qui, ceu bini oppositi lapides molares, cibum conterunt & commolunt, adeoque in his dentium defectum supplent. Huic fini aves hæ etiam lapillos & arenulas subinde deglutiunt & in ventriculo una cum cibariis servant. Quorum ope, dum prædictis musculis colliguntur & moventur, cibaria duriora subigunt, diminuunt & conficiunt. Id ita fieri, inquit *Harveus* (a), in pluribus avium generibus appareat, in quorum ventriculus, si calculi aliae duriora & aspera diutius permanferint, a continuo eorum motu, adeo attrita & levigata cernuntur, ut cibariorum attritioni inepta sint, ac pre-

pterea

ptera rejiciantur. Hinc aves, cum calculos eligunt, lingua probant, & si nibil asperos senserint, reiciunt. Hoc modo ferrum, argentum & lapillos attritos & proptermodum absuntos in vetriculo Strutionis inveni, atque etiam in Cassovare. Ideoque vulgo creditur eos ferrum concoquere, & eodem nutriri. Falconibus, aquilis aliquique avibus ex prada viventibus, si aurem prope admodum, dum ventriculus jejunus est, manifestos intus strepitus tapillorum, illuc ingestorum, insimque collisorum, percipiias. Haec tenus Harvax. Earum vero ventriculi, quæ molliora nutrimenti genera, ut baccas, insecta & vermes ingurgitant, musculis ejusmodi validissimis carere potuerunt. Hinc neque natura, quæ sub omni pompa sua parca est, nec quidquam temere dilapidat, tam robustos illis concessit musculos, sed multo infirmiores dedit. Aves *diaphragmate*, saltem musculo, quale quadrupedia obtinent, carent, hujus vero defectum vesicæ albidae tenuique materia constantes supplant, in quibus foramina aperita & patentia, transitum aëris ab una in alteram exhibentia, inveniuntur. Quarum officium in eo consistere credit *Derbamus* (b): quod non tantum intestina compingant & comprimant; sed etiam harum ope aërem excipiant, quo ipso corpus suum ad manus vel minus volumen redigere possint, prouti aërem magis vel minus ingerunt, vel exspirant. Adeoque vesicæ hæ aëre turgelcentes ad æquilibrii saltem cujusdam, cum aëre ambiente restitutionem vel immutationem illis inserviunt, prouti in volatu illis erit vel ascendendum, vel descendendum, in modum pilicium, qui vesicæ iuxæ artificio, vel fundum pertinet,

tunt; vel ad summam aquam sursum pelluntur, vel ad quamcunque profunditatem subsistunt. Quod fuisse exposuit Frater meus NICOLAUS MALM, non ita pridem demortuus, in *primis suis kbtbyo-Theologie lineis*, sub auspicio Maxime Reverendi atque Amplissimi S. S. Theolog. Doct. & Prof. nec non h. a. hujus Academiæ Rectoris magnifici Dn. CAROLI FRIDER. MENNANDER editis. Aves omnes vesica urinaria carent, amplos tamen renes & ureteres, per quos urina profluit, obtinent. In iis enim parva cernitur urinæ copia, cum parum admodum & pitillando bibant, ob fungolas, quas possident, pulmones. Hinc vesica urinaria carere possunt, & lotium in communem cloacam, alvi quoque fœcibus dicatam, destillant, iisque commissum simul egreditur.

(a) *de generat. animal. Exercit. VII.* (b) *Phys. Theol. L. VII. Cap. II. not. 7.*

§. VI.

NEc instrumentis injurias ambientis fluidi arcen-tibus volucres orbatas esse voluit rerum Con-ditor. Absque his enim officio suo rite fungi non pos-sent. Avibus vehementiæ tempestatum plerumque evpositis majori gradu caloris opus est, ne frigore sanguinis concrescat, aut ejus circulatio impediatur. Hinc non tantum pennis elegantissimo ordine dispositis & collocatis, verum etiam plumulis mollissimis cuti proxime adjacentibus teguntur. Hic iterum summam Creatoris sapientiam & bonitatem venerari licet, quæ animalcula hæc tam aptis tamque sufficientissimis, con-tra

tra injuriam frigoris, induit vestimentis. Plumulæ enim non modo frigus arcent, verum etiam per reflexionem exhalationum calorem naturalem intendunt. Pennæ autem non solum corpus obtegunt, sed etiam æquilibrium quodammodo cum ambiente aëre illis conciliant. Melioribus certe aves nunquam muniri potuerint loricis, sunt namque leves & politæ, & motui earum proportionatæ. Conspiciuntur pennæ pinguedine quadam unctæ & lubricæ redditæ, quæ e bile & vasis excretoriis secernitur. Hinc quoque observamus majori pennarum copia prædictas, etiam majora pingvedinem hanc secernentia vasta possidere, ut inde emergens oleum ad humectandas & lubricas reddendas pennas sufficiat. Unde evenit, quod aves aquaticæ, cum elementum inhabitant satis frigidum, majori vestimenti copia induitæ magis aperta & patentia habeant vasta. Ex his rostro suo pingvedinem exprimunt pennasq; lubricant. Quis heic iterum rerum Satorem atque Opificem sapientissimum manifestissime non videat! Pingvedine integumentum hoc avium ideo unxit magnus Conditor, ut non tantum motum earum celerem promoveret, sed etiam vi sua repellendi, qua pollet, humectationem pennarum arceret, ne ad volatum ineptæ redderentur. Porro insignis hujus vestimenti pulchritudo infinitam arguit Creatoris sapientiam, quæ colorum varietate & pulchritudine, regiam purpuram longe exsuperantem, plurimas avium species ornavit & condecoravit, ut Pictor, licet in arte summus esset magister, illa satis sufficienterque exprimere haud posset.

D

§. VII.

§. VII.

Delineata paucis avium anatomia, earum numerum, atque alimentum huic proportionatum, considerandum adgredimur. Quam in eo sapientia Summi Creatoris fulgentissime elucet, quod aves, quarum caro gustus est nauseosi & minus sanitati conducens, vel quæ nimis reliquas imbecilliores depraedantur, in tanta non deprehendantur copia, ac reliquæ; quare pauciores quoque procreant partus; & illa sapientia quæ has inter salutares compescuit limites non tantum illis in vastis sylvis & locis remotissimis assignavit sedes; sed etiam solitariam dedit indeolem, vel solitarie illas volare jussit; nam si coniunctæ & catervatim pecudes adorirentur, vix greges & armenta ab earum impetu & injuriis tuta forent. Reliquæ autem, quarum usus maiores, frequentiores videntur, & in locis nobis vicinioribus versantur, ut ex illis enascentia commoda in nos redundant. Hinc illis prolem numerosam concessit natura. Nonne Divinum etiam illud, quod unamquamque speciem, in hac animalium classe, inter sapientissimos limites redactam esse admiremur. Eadem enim earum multitudo, idemque numerus, fere omni tempore fuit, & quamvis quotannis progenerentur, nunquam tam incrementum notabile comparet. Cornicis e. g. quam prolificam avem esse experientia docet, sed cuius in escam carnes & ova fastidiunt homines, appetunt neque naturaliter cuiusvis generis & speciei animalia carnivora; quin neque plumis earum dormitiorios lectos insterni solere novimus: interim hujusce speci-

speciei, unius magis quam alterius anni exsuperantia nulla apparet; calamitati & noxæ humano generi futura omnino, si non durationis certam rationem iniislet natura, multiplicationisque modum Divina providentia terminasset. Hinc corruere videtur veterum illud: *Ter tria Secta virum producit garrula cornix.* Certe omnem exsuperat admirationis vim, quod aves circa initium mundi, & post Diluvium, dum, uti reliqua animantia justo pauciores fuere, quotannis accreverint, sed numero metam a natura assignatam contingente, omne mox tale cessaverit incrementum. Anne tum plures procreaverant partus? vel an injuria deprædantium ceslavat? aut ætatem ad justo plures annos olim extenderant? Quam mire sexuum æquilibrium omni tempore idem fuit, nec plures mares quam feminæ, aut contra, procreati. Qui vel heic aliquantum miranti hæret animo, fœcundissima sapientiæ summi Creatoris apprehendet vestigia, qui ne hocce æquilibrium per incrementum aut decrementum unquam dirimatur, harmoniam constituit inter propagationis fœcunditatem, & cuivis speciei præscripta vitæ spatia, nec non habita ratione ad specierum definitam multitudinem. Heic addere lubet obłervationem illam *Harvicanam Exercit: 59. de generat. animal.* Natura inquit ius fere animalibus numerosos fætus largitur, que viribus animisque imbecillia ab aliorum injuriis se agre tueantur, adeoque vita brevitatem copiosa prole compensat. Aves in universum omnes, si cum animalibus grandioribus conferantur, admodum sunt longævæ, quadrupedibus omnino pro corporis proportione multo vivaciores. Cygni vel

D 2

trecen-

trecentesimum annum aequi traduntur (4). Ad ali-
mentum horum animalium quod spectat, quam in eo
elucet provida & faventior Creatoris œconomia, qui
diversas species, diversa adire jussit nutrimenti gene-
ra. Quare diversos quoque in iis excitavit appetitus.
Sic quod una species in deliciis habet, & ad sedanda
naturæ desideria appetit, ab hoc altera tanquam na-
turæ alienum abhorret. Idque ob rationes sufficientissi-
mas; si enim in unius generis nutrimentum omnes
irruerent, nunquam iis enutriendis sufficeret, sed bre-
vi consumeretur, & mox omnibus ex inedia mors in-
staret. Præterea mortuarum avium & quadrupedum
cadaveribus putrescentibus multi noxii & pestiferi o-
rarentur morbi. Denique herbas & animalia frustra
creata esse jure quodam dices, nisi his reliquisq; ani-
malibus alimento cederent. Pro nutrimenti diversitate,
diversis organis diversisq; facultatibus has munivit sa-
pientia Divina. Non nullis ungues aduncos, fortitudinem,
rapacem indolem & machinationem dedit. Aliis stu-
pendam in volatu concessit celeritatem, qua & victum
comparare, & insidias hostium amoliri possent. Nec
deest illis (agacitas his rite & justo tempore utendi in-
strumentis. Est hæc cuique avium speciei, ad nutri-
menti, quo vescitur, copiam proportionata. Quantam
enim aves deprædantes, cum non ubique earum ali-
mentum obvium est, in indaganda persequenda & ca-
ptanda præda solertiam & diligentiam adhibent! Quæ-
dam aves rapaces prædam ipsæ rapere non valent, ve-
rum latronum more ab aliis captam ipsis extorquent,
uti de Sturna Faun. Svec. 129. nobiliss. Archiater & E-
ques

ques Aurat. *Linnæus* in itin. suo *Westrogoth.* p. 182: refert; prorsus eadem de aquila capite albo *Catesb. Hist. Nat. Carol.* Vol. I. p. 2. nec non de ave *Man of war* dicta *ibid.* p. 87. habentur, quæ lectu digna sunt. In avibus vero, quæ herbas vel alia abundantiora nutrimenti genera adeunt, tantam non deprehendimus sagacitatem, cum alimentum semper ad pedes habent. Mira est illa avium solertia, qua escam, quæ appetitui earum congruit, in locis, quamvis occultis, ubi illam depoluit natura, indagare norunt. Unde nescit grus, quod in locis paludosis illi mensam stravit Divina bonitas, non vero supra montes, vel in arborum ramis. Quam miro naturæ ductu corvi per multa millaria ad cadvæ congregantur! Celebranda iterum hoc in ponendo est Creatoris bonitas, quæ victum unicuique earum large & copiose præparavit, quamvis harum numerus sit stupende magnus, & pro varietate appetitus, variis quoque terculis saturentur. Adiunt enim præter plantas & baccas varias, infecta diverorum generum, vermes, ranæ, mures & pilces, ceteraque quæ devorant. Multæ quoque proprii generis impendiis vivent, & non modo ova sibi invicem suffurantur, sed etiam alias aves ingurgitant, adeo ut fraus & rapina gravetur ubique. Maximam Dei bonitatem in hoc satis sufficienterque venerari non possumus, qui per aves animalia ejusmodi noxia destruere voluit, quæ alias, plus incrementi captura, maximo detimento hominibus essent. Aves *Monedulae purpureas* dictas *Catesb. Hist. Nat. Carol.* vol. I. p. 12. incolæ Novæ Angliæ, agros suos certo anni tempore devastantes, tere omnes occiderunt; his occisis

cisis Erucarum innumerata agmina, quæ per plurimam anni partem his ciborum loco fuere, gramina, frondes, arbores, fructusque varios depopulabantur. Porro admiranda est earum sagacitas, qua pericula evitant; unde enim sciunt, quid sibi ipsis, quid adverariis noxiis est, & in quo hostium robur & imbecillitas consistit? quam egregie sua sibi nota habent instrumenta, evitandis periculis inservientia, quantaque dexteritate iis justo tempore uti sciunt? Admiranda quoque in eo comparet naturæ œconomia, quod aves rapida vicitantes, diutissime inedia tolerare possint, quod utique pro victus ratione iis necessarium est, cum præda, quoties esuriunt, non semper sit parata. (4) vid. Willugbei Ornitholog. C. IV.

§. VIII.

Drogredimur ad avium annuas & periodicas com-migrationes paucis considerandas. Sunt plurimæ earum species, quæ autumnali tempore itinera ingrediuntur, & loca meridiana adeunt, vere autem revertuntur, & pristina sua domicilia quærunt. Migrationis hujus ratio non elonginquo petenda; præterquam quod tempore brumali frigoris sint impatiens, vel ejus injuriam subire detrectent; aditus promtuarii illis occlusus est, ut ex inedia illis mors instaret, nisi violencia frigoris in his septentrionalibus terris grassante, mihiorem cœli temperiem & loca cibis abundantiora frequentarent. Tempore autem veris ob nimium calorem, quo dicto tempore regiones australes vexantur & uruntur, in loca frigidiora redeunt, cum in tam æstuosa cœli temperie, nec vitam commode degere, nec pro-

procreationis opus perficere possint. Porro periodicis his commigrationibus, ad plures disperguntur gentes, ut ex iis enascentia commoda in illas redundant. Quis in his omnibus summam Dei sapientiam providamque curam non animadvertis? Aves enim ita accurate statis temporibus itinera hæc sua instituunt, tanquam calendario, anni tempora quibus peregrinandum illis esset indicanti, uterentur. Certe obtinet effatum Prophetæ Jerem. VIII:7. *Etiam Ciconia in cælo cognovit tempus suum & Turtur & Grus & Hirundo obseruant tempus adventus sui* Quam admirande a locis remotissimis conveniunt? quisnam illis loca monstrat, ubi se congregent & suos inveniant itineris socios? quanta diligenzia & fervore vociferantes & crocitantes alte circumvolant reliquas investigaturæ & collecturæ. Admirandum sane est, quod animalcula hæc rationis experti sciant, quo tendant? quænam via illis sit ingredienda? & in quam mundi plagam iter dirigendum, ubi terras inveniant calidiores? Quare potius tempore autumni meridiem versus quam boream peregrinentur? Quis viæ præteritæ signa & futuræ indicia illis indicat, ut sciant quantum jam itineris confecerint, & quantum adhuc restat? Quousque volent & ubi defistant? Quis absque admiratione ordinem & politiam, quam peregrinantes aves in itinerando servant, videre potest? Quam eleganter enim volantes figuram bifurcatam exhibent, tenore fere exercitatissimorum militum suam lineam vel stationem minime deserentium, sed signa sequentium, atque ad ducis nutum maxime intentorum. Numerosissimus harum exercitus vastas per-

pervolat terras & tanquam sub duce peritissimo unitus manet. Nullæ ibi transfugæ & rixantes, nulli lixarum & calonum greges, nulla tarditas, nulla impedimenta; sed concordia, pax & mutua officia conspicuntur ubique. Admirationem omnem exsuperat, quod aves hæ peripateticæ tam certum iter in mutabili aëris regione servare possint. Quis illis longos vastosque terrarum & marium tractus transvolantibus, pyxidem nauticam, chartas geographicas, & itineraria suppeditat, absque quibus instrumentis, plurimisque aliis, nec non comparata per longam experientiam notitia, homunciones ejusmodi maria transire non tentant & audent? Quis avibus indicat, quod ad alteram maris partem, quo volatum dirigunt, littora invenienda sint, quæ ob distantiam justo majorem aciem oculorum fugiunt? Nonne mirum illud, quod in ejusmodi vastis maribus transvolandis raro defetiscantur, & in continuo alarum remigio deficiant vires, nulla enim ibi occasio alterna requie vires reparandi datur, nullum tempus respirationi conceditur. Quid in causa est, quod nullæ tenebræ & imbres, nullæ procellæ, quamvis vehementiores, vel alia quævis cœli injuria has in errorem ducere, vel in devia deflectere valeant. Sed omnes omnino viam & cursum solitum servant. Quis viatico illas instruit, vel nutrimentum & vitæ necessaria subministrat; Quis illis insulas & hospitia monstrat, ubi migratoriis his avibus mensam stravit Divina bonitas. Hæc sane hisque similia alia, ut captum nostrum longe superant, ita verbis dignis nullus, quamvis in dicendo maximus sit artifex, deprædicare ac exprimere valet.

valet. Terrarum cœlique Dominum in his omnibus venerabundi conspicimus, qui etiam hac in re singula tam admirande, tam provide, tamque sapienter providit, constituit, ornavit.

§. IX.

HAstenus in avibus vestigia sapientiæ, artis & potentiae summi Creatoris preßimus & pie venerati fuimus. Jam ad argumenta bonitatis Divinæ in his obvenientia, animum convertere lubet; cum & ea motiva sint sufficientissima ad gloriam Creatoris deprædicandam & celebrandam. Tot ex avibus utilitates & commoda redundare voluit O-rigo omnis boni, ut iis rite exponendis nec dies nobis sufficerent, nec earum qualemcumque picturam limites opusculi nostri caperent. Quare communissimas tantum enumerabimus utilitates, prolixiorem & accuratiorem harum recensionem aliis relicturi. Sunt avium agmina plurima, quæ in cibum hominum cedere jussit Divina bonitas. Docent Medicorum filii, earum carnem, non tantum inter delicias, sed etiam inter saluberrima referendam esse ciborum genera, & non (anis modo, sed etiam morbo afflictis) saluti fore. At non modo carne earum vescimur, verum ova quoque, quæ pariunt, sedandis naturæ nostræ desideriis inserviunt. His aëris divitiis ad magnam partem vivunt gentes nostræ Lapponicæ, Cerere destitutæ, & aliæ septentrionales maritimæque inhabitantes regiones. Porro plumulas porrigunt mollissimas delicatissimasque, quibus humano generi quietem conciliari, Iassitudinemque

E

nemque

nemque ex diurno labore contractam, leniri ac penitus sublevari experimur. His enim lectos & culcitas implere solemus. Agricolis & nautis avium præfagia magno usui sunt, nam hæc auguria, si modo rite explicantur, fundamento minime carent. Quidquid enim aves annunciant, licet nulla rationis facultate gaudеant, sagacissimo tamen naturæ instinctu aëris permutationem percipiunt. Nam quemadmodum homines, imprimis ætate provefti, vel debilioris sanitatis, alternationem vel mutationem quandam corporis sui sentientes, ad futuras tempestates concludunt, sic etiam aves ex ambientis aëris pressione & vellicatione futuram cœli faciem prænunciant. Sunt earum gestus & signa, quibus futura denunciant, maxime varia; aliæ voce, aliquæ volatu prædicunt: sunt quæ penas suas expurgant, vel in aquis se abluunt: aliæ sedes & domicilia mutando, vel in novos prorumpendo gestus, futura indicant. Certe migrationes avium, saepe quovis calendario certius futura anni tempora, tempestatesque prælagiunt. Hoc quoque inter ceteras avium utilitates silentio non involvendum, quod in cantu & vociferatione earum non mediocre sit mortalium oblectamentum. Quanta in Passere canariensi, quanta in Chloride, quanta in Luscinia levitas vocis? de qua miratu digna ave adfert Plinius (a). sic: *pri-
mum tanta vox tam parvo in corpusculo, tam pertinax spiritus;*
Deinde in una perfecta musicæ scientia modulatus editur sonus:
*& nunc continuo spiritu trabitur in longum, nunc variatur in-
flexo, nunc distinguitur conciso, copulatur intorto, promittitur
revocatio, infuscatur ex inopinato: interdum & secum ipse*
mutu-

murmurat: plenus, gravis, acutus, creber, extensus, ubi visum est, vibrans, summus, medius, imus. Breviterque omnia tam parvulus in faucibus, quæ tot exquisitus tibiarum tormenta ars hominum excogitavit. ... ac ne quis dubitet artis esse, plures singulis sunt cantus, nec iidem omnibus, sed sui cuique. Certant inter se, palamque animosa contentio est. Victa morte finit sepe vitam, spiritu prius deficiente, quam cantu. Morum doctrina etiam ex avibus varia præcepta & monita hau- sit, quando quidem aves quædam insignia probitatis pietatisque exempla præbent. Ipse etiam Salvator noster Matth. X: v. 16. Columbam præceptorem nobis sicut, ut ab illa sinceritatem & integritatem discamus: ad alias etiam aves Scriptura sacra provocat; ut multa, quæ ab Historicis naturalibus & Ornithologis, ipsisque morum Doctoribus adferuntur, silentio præteream.

(4) *Hist. nat. Lib. X. Cap. XXIX.*

§. X.

Hec fuere, Lector Candide, leviuscula illa, quæ tecum cum hac occasione rudi minerva, distracto animo & festinanti manu communicare volui: suppleant illi, quibus felicius ingenii acumen, majus otium, largior subsidiorum supplex, infinita ea, quæ hic desiderantur. Sufficiat mihi communissima & omnium oculis obvia in avibus sapientiae & bonitatis Divinæ documenta attulisse; nam ea est præsentis argumenti indeoles atque natura, ut nullus, quamvis in dicendo sit artifex peritissimus, verbis apicem rei attingere possit. Opera enim Divina, quotquot fint, ceu specula infatarum Creatoris perfectionum, qualia illa existare voluit Summus eorum Opites, imprimis quoad nostrum captum

captum, si miram eorum structuram & compositionem respexerimus, infinita fere comparent; nostrum vero intellectum & verborum, quæ hunc sequuntur, copiam intra arctos limites redigere voluit natura. Interm ex iis, quæ breviter tacta sunt, cuique patescere existimamus, aves non solum ipsas de sapientia & bonitate Creatoris sui esse loquaces; sed etiam nos officii nostri admonere, largamque nobis ansam suppeditare, summas summi Conditoris perfectiones, etiam in his animalculis conspicuas satis & apertas, agnoscendi, corde venerandi atque ore praedicandi. Certe, qui circa avium miram corporis fabricam, vel stupendam earum oecconomiam attento animo piaque mente hæret, non potest non in singulis, etiam in minimis, innumera vestigia sapientiae, potentiaz, beatitudinis, aliarumque perfectionum Dei optimi maximi perspicere, iis perspectis obstupescere ac in profundissimam, sed simul jucundissimam admirationem rapi, laudibus summis Eum prolequi, vitamque ad nutrum Ejus componere. Si itaque quis tantæ fuerit indurationis, ut existentiam aut attributa Summi Numinis, omnia moderantis & gubernantis, vel in dubium vocaverit, vel plane impugnaverit, is consulat aves cœlorum & annunciant ei, quod manus Jebovæ paravit hoc. Job. XII: 7, 9.

S. D. G.

C O R R I G E N D A.

Pag. 7. lin. 6. exstat corporis sui, lege corporis sui proportionata, lin. 9. dei leg. die pag. 12. lin. 19. dorsales. leg. pectorales.

* * * * *